

*“Une tinjawenda Atati, nipo tacimpa Namangoswe jwine, jutaciwa ni jemanja mpaka kalakala... Kasimkolelwa ni finyo, jwele jwampaka amjonanje, nambo m'malo mwakwe mgumbalilwe ni Msimu Waswela” (Yohane 14:16; Efeso 5:18)*

## **PETULO**

(JUWAGWILE NI KUKUPUNDA SONI)

*“Nambo timcipocela macili, Msimu Waswela uli wumyicile pa jemanja(Masengo 1:8)”*

Pangali jwine soni juwagwile mlope, soni ni kwela soni penani mlope mpela Simoni jwakuwilanjidwa Petulo. Jwakulidalila msyene, jwakupuluma, jwakulimbangana ni kupilila, msozi jwamkulungwaju, akusalandana ni akhlistu wajinji lelo, ali wakoseka kulimbana ni cilambo cosope, nambo wakogopa msalaba, wakulimba mtima kwenda pa mesi nambo wakulepela kwenda ni Mlungu. cinonyelo ca Ambuje Yesu, ali ajimwice ku wawe, cakwayisye mtima wa Petulo mpaka kalakala, ni wasucile mundu jwa samb ano. UJamusi wa Mlongosi jwa sambano wa mpele macili kuti apelenganye kuwa Petulo. Litete lyetemece lyasucile liganga lya kuwacila, ni Mlungu wakamulisye masengo lyele liganga lya motoli kutenda yekulungwa mcilambo. Ana wao ali mpele Simoni jwa kalakala kapena Petulo jwa sambano.

## **KAWUNGUNYA KAJE**

Sana ali pa citepo pa cakusimonjesya. Naga akusimicisya kuti mwakuwona mtima ni mwakulupicika, apelece ma upande ga umi wao gagakusosekwa kupeleka kwa Ambuje, pana caticitendekwe.

Naga pana yasisile, yindu yiyaliji yakusausya mu umi wa ku cilu cao kuti ayilece, ni kana kupocela cakuwona, cakusimonjesya cao ngacipata.

Apa pali pakutendela kawungunya, kapena pa lodi buloko. Ana atesile yiwalosisye Mlungu. naga nganatenda, awujile panyuma ni kuja kutenda masengo gao. Naga nganakosece kumpikanila kwambumbu jwankulungwa jwa ngondo jwao, nikuti ngakuwajilwa kuwa mu gulu ja asilikali wakwe. Nambo naga akosece – ajembecele cakusimonjesya!

## **SANO AWONEGANE NI MLONGOSI**

Jwakusimonjesya mlope mu utatu wa Mlungu, ali Mlongosi jwa masengo, wali Msimu waswela.

Ali jwalakwe jwakusakwaya mitima ja wandu ndawi syosope, mpela soni muwajendelega pa mesi pa ndandililo pa cilambo. jwalakwe wapelece macili ka Mose ni kwa Eliya, Yohane jwa kubatisya ni Paulo, pawatendaga masengo ga Mlungu sikati ja wandu. Ali jwalakwe juwawunile mwali jwakuwilanjidwa Maliya, ni kumpa macili gakola mwanace jwamswela jwa Mlungu. Ambuje Yesu pawatandite masengo gawo ni kubatiswa mu lusulo lwa Yoladani, kwinani kwawuguce ni Msimu waswela watulucile mcilandanyo ca ngunda. Waliji Msimu waswela wawajawisye ku cipululu; waliji Msimu wawayice ni macili ni cisyesy ca Atati ku

cilambo (Ndandili 1:2; Ciwalanjilo 11:17; Wakuwelusya 13:25; 2 Aciwenye 2:9,15; Luka 1:26-35; Maliko 1:10-12).

Ambuje Yesu wapulile wakulijiganya wao pawapocelaga Msimu waswela kuti akalalicile ya kwimuka kwao ku wawe ku cilambo cosope. Ali asongene mu cipinda ca penani, wakulijiganya wakwana 120 wapelengenye kupopela mpaka macili gekulungwa ga Msimu waswela gakwanile ni kwagumbalila mlope.

Mu cilangano cakala, yejinji yatendekwe ni masengo ga Atati; mu mabuku mcece gandanda tukuyiwona yejinji ya masengo ga mwanace jwa Mlungu, nambo kutandila pa kwimuka ku wawe kwa Yesu, mpakana mu ndawi asino, gali masengo ga Msimu waswela kuti awungolele mpingo mu malowe ga Mlungu. baibulo jikutulocesya kuti Msimu waswela ali walekangane ni Atati ni mwanace, nambo jwalakwejo ali Mlungu.

Ali Mlungu jwakwete lunda, kupikana ni lisosa. Atati jili ndandililo ja masengo gosope ga ulungu; Mwanace lili mugakusigapitila masengogo; Msimu waswela ali wakusakamula masengogo. Jwalakwe akusayika ni kwiganya, kulongolela ni kucimbicisya Yesu mu umi mwa wakulijiganya (Yesaya 11:12; Matayo 28:19; Yohane 14:26; 15:26; 16:13-14; Masengo 8:29; 39:10-19; aloma 8:9; 1 Akolinto 12:11; 2 Akolinto 13:14; Galatiya 4:6)

Masengo gejinji ga Msimu waswela gasigawonela kwambumbu mpaka mpingo ni cakulinga ca cikulipusya cili cikwanile. Nambo – wumi a mkhlistu jwalijose uli wangakwanila naga pali pangali ulongosi ni macili ga jwele Mlongosiju. Akawe ali mkulamulila ni kupeleka macili, ngasipapagwa gopoka kwa wandu ni macili ga kukuya Yesu gasyesyene.

### **WOSOPE TUKWITICISYA – MACILI GAKUSOSEKWA**

Atamose kulola mwa citema ya kwenda kwa macili ga Mlungu mu ndawi ja kala, mwana umboni wakwanila kuti wele wanduwa waliji pa mkamulano wekulungwa ni Msimu waswela. Gele malowega gakusakolanjidwa mena gakulekangana – lekangana malingana ni mipingo ja wandu, nambo yakusasimana nayo wele wanduwa yili yakulandana. Pa nganya ja magambo, umboni ukusakanidwa naga wandu wawili wakupelecela umboni akukamulisya masengo malowe gagogo ni kawecete. Akusatiga wanduwo nikuti pana pawasimene. Nambo naga jwalijose akukamulisya masengo malowe gakwe ni kawecete nambo yindu yakulongosola ni kulandana, umboniwo ukusawa usyene. Ni umboni wakutyocela ku mbili ni wakuti: Pangali mundu, jwamlume kapena jwamkongwe juwakamulisidwe masengo ni Mlungu mpaka ali ajimanyi asili ja macili ni Mlungu.

Akhlistu akusacikolanga celeci ni mmatala gejinij. Wandu mpela a D.L. Moody, R.A. Torry, C.G. Finney ni wane wajinji wacitendaga “*kubatiswa ni Msimu waswela.*” Nambo wane mpela G. Campbell Morgani, Robert Murray, C.H. Sprgeon ni wane akusakutenda “*gumbalidwa ni Msimu waswela.*” Wane akusacitenda “*kulimbanganyidwa*” soni wane akusacitenda “*gumbalidwa ni ga Mlungu*” nambo ngani nganijiwa jakuti “ana mpaka acisale linaci?” nambo jakuti, “ana acikwete?”

Mundu jwine, a Billy Grahamu, mu utenga wao wa mtwe wakuti, “Ya tujile Pagumbalidwa ni Msimu waswela” wawecete kuti:

“atamose yikusawoneka kuti wane wetuwe tukusakulupilila yindi yakulekangana ni wane, yangasinda cakuwone cakuti Mlungu akuweceta ‘Mgumbalidwe ni Msimu waswela.’ Ngukulupilila kuti cele ni cakusowa cekulungwa ca Mpingo wa Yesu Mkhlistu lelo jino. Kwalikose kwangawula, ngwasimana wandu wa Mlungu ali mkusosa cine cakwe; wandu wa Mlungu akwete sala ja cinecakwe. Wajinji wetuwe tukusatiga ngatukwikutila ni umi wetu a cikhlistu. Ndawi ni katema tukusawa tuli mkulepela. Ni mu cilambo cosope cene, kutyocela upane umo kuja wine kwana macila ga akhlistu wajinji kwete sala ja cinecakwe canganitukola...ngukulupilila kuti cakusosa cetu cekulungwa lelo jino ngawa bungwe jine ciwanja cine soni kapena litala lyasambano. Tukwete kala yejinji ya yeleyi. *Ngukulupilila kuti cakusowa cekulungwa lelo jini ni acalume ni acakongwe wakwitisya lina lya Yesu agumbalidwe ni Msimu!* Tukulinga kutenda masengo ga Mlungu tuli wangali macili gakupunda. Ngasigakomboleka. Mlungu pawatusalile kuti tujale tukalalicile utenga ku ciwumbe cilicose ni kuwujenesya ku cilambo cosope, wapelece macili gakupunda kwetuwe. Gele maciligo gakusapelecekwa kwetuwe ni Msimu waswela. Gali macili gekulungwa kupunda ga mabomba ga poyisoni...gali gakombola kutenda yindu kupunda cida cilicose ciwapanganyisye mundu. Ana pana cacimanyi cakwamba macili ga Msimu waswela?”

Kwele gumalidwa ni macili ga Msimu ku nganikuwa kwika kwa Msimu umi wetu pa ndawi ja cikulupusyo. Naga mundu ali mwasambano kusyesyenedi, cikulupusyo cakwe cikusalidwa ni kutendekwa ni Msimu waswela pakuyicisya kupesya sambu ni kulipeleka kwakwe kwa Yesu Khlistu (Yohane 3:5,6; 7:37-39; 14:16-17; Aloma 5:5;8:9-16; 1 Akolinto 2:10-12; 3:16; 2 Akolinto 1:21-22; 5:5; 6:16; Galatiya 3:2; 4:6; Efeso 1:13-14; 2 Timoteyo 1:14; 1 Yohane 2:27; 3:24; 4:13). Nambo aci cikulupusyo kwa Yesu ci akasacisonasya ni kulipeleka ku masengo ga kulalidwa ni macili gakutendela masengogo.

Pa cikulupusyo Msimu waswela ni wakusawuta umi wa mundu (Misyungu 1:23; Yohane 16:7-11), Mlungu akusapitila mwa Msimu waswela pakulupusya mundu. Baibulu jikusawumbula kuti, Msimu waswela, jwali Mlungu msyene, akwete ulungu, ni jwokusatenda gele masengoga (Yesaya 11:2; Matayo 28:19; Yohane 14:26; 15:26; Masengo 8:29,39; 10:19; 13:2; 16:7; 15:28; Aloma 8:9; 1 Akolinto 12:11; 2 Akolinto 13:14).

Cikulupusya cili cindu cikutendekwa sikati ja Ambuje Yesu ni umi mundu pajikape, kuyicisya ku cikulupusyo ca umiwo. Kutu akwanilisye yeleyi, Msimu waswela candanda akusajamukaga ya sambu – (Ndandililo 6:3; Masalimo 51:12-13; Mika 3:8; Sakaliya 12:10; Yohane 16:8-11; Masengo 2:37), kaneko ni akumsalinjila jwa sambu jwapocele camuko ca sambico kwa Yesu, kucitendekasya ciwa ca Yesu msalaba kuwa cisyesyene kwa jwalakwejo. Mu cikulupusyo, umi ukusalekaga cikayiko cakwe, kwimucila, cilungamo cakwe-cakwepe ni kulikwesya kwakwe, umi ukusapocela Khlistu mpela Ambuje ni Mkulupusyo, ukusamkulupilila ni kumnonyela kupunda cilicose.

Kulikwesya kwa jwakulemwajo kukusamala, kulijimila kwakwe akusakuleka, aswejesedwe ni kulemwa kwakwe kosope kukulucidwe. Msimu waswela akusanjila mu umi mwakwe (Aloma 8:9,11; 1 Akolinto 3:16; Efeso 3:17; 2 Timoteyo 1:14; Yakobo 4:5), ukusasaka kutama mu umimo mwa mkamulano wakutamlicika (yohane 14:17; 1 Yohane 2:27; 3:24) ni akusam'batisya ni Cilu ca Khlistu, wawuli mpingo ( 1 Akolinto 12:13).

Wakulijiganya waliji wakulupuce kala mkaniliwe lisiku lya pentekosite (Luka 10:20;Yohane 15:3; 17:6-9). Yesu ali ajimwice ku wawe, wapumulile jemanjawa ni kwasalila kuti "Pocelani Msimu waswela" malowe ga kulamula gakuti gatendedwe ndawi jijojo. Waliji ali alesile umi wakutana mwa kusosela ni kulipeleka ku masengo gakwenesya utenga ku cilambo cosope. Ambuje wapele masengo gakupanganya wakulijiganya mu ngosyo sosyope sya wandu (Matayo 28:19). Nambo wasowaga macili gakuti akwanilise gele masengogo. Cilanga cakumalisya ca Ambuje kwa jemanjawa caliji cakuti: "Nambo timcipocela macili, Msimu Waswela uli wumyicile pa jemanja, pelepo timcindendela umboni .."(Masengo 1:8) wasalilidwe kuti ajembecele mpala ali agumbalidwe ni macili kutyocela kwinani, mkanawe kutanda masengo gawo (Luka 24:29). Waliji ali asimene ni Ambuje; soni wammanyi mpela mkulupusyo jwao nambo nganakola macili Msimu waswela kuti akamule masengo ga Mlungu. Mwa cilandanyo alole ngani ja akhlistu wa ku Samaliya pa Masengo 8:14:-17, waliji wakulupilile ni kubatiswa nambo waliji wangali macii ga Msimu.

Mundu jwine jwakolanjidwa R.A. Torrey, jwakulalicila jwakumanyika mlope ni jwakwiganya baibulo wawecete kuti –

"Kubatiswa ni Msimu waswele cili cindu cakuti mundu akwenela kucimanyilila kuti akwete kapena nganakola. Kubatiswa ni Msimu waswela gali masengo gakwe gakonjecesya, nambo gelekangane ni cikulupusyo. Pa cikulupusyo tukusapocela umi, mundu jwakupocela umisakulupuka; nambo pa kubatisya ni Msimu waswela tukusapocela macili, ni jwakupocela maciligo akusawa jwakombola kutumicila.

Kubatiswa gali malowe gekulungwa gana ngopolela syakuti; kulanjisedwa ni kuswejesedwa ku sambu syosope, soni kumanyilila ya kusimanikwa ni macili gejinji ga Mlungu, gagakumsalimbanya mkhlistu ku masengo ga utumiki. Mpela yiwatite kubatiswa Ambuje Yesu mu mesi, akhlistu wajinji akusamalila cindu candandaci (Aloma 6:30-11; 1 Akolinto 12:13; Efeso 2:1-7; Colose 2:10-12) nambo akhlistuwa ubatisyo wawili nganawe kuwuwona mu umi wao – kwakulu kuwunicilidwa ni macili ga utumiki wa cikhlistu. Pali pangali aku kuwunicilidwaku, kapena gumbalidwa ni kulimbanganyidwa ni Msimu waswelaku, masengo ni umboni wa cikhlistu ukusawa wangali yisogosi, wangasangalasya nambo soni wangakomboleka.

Mpingo ukwete yakusowa yiwili yekulungwa- kulungwa, pana yindu yiwili yawukwenela kuyimanya naga ukusaka kutenda yakusimonjesya mu m'bado wetu. Tukwenela kumanyilila ni kusimicisya kusyesyene kuti meso mkulola ni masengo ga kulalicila malowe kwa wandu wosope nganigwa ga akhlistu wamnono wakulupicika, acibusa, wa mishoni ni wakulalicila, nambo kuti gapelecekwe kwa jwakulijiganya jwalijose jwa Yesu, kuwa masengo ga umi wakwe wosope. M'we wosope tukwete udindo pa ma umi ga acalumwe ni acakongwe wakuwa ali wangali Khlistu lisiku lililyose.

Kanga tukamula masengo ci, kanga twawilanjidwe ku utumiki waci; kanga tuli wakulalicila kapena kupopela, wakulemba mabuku, kapena wa malonda, kanga wakamula masengo ga yala, masengo gane galigose, umi wetu wosope ni cilicose cisaleje ya Ambuje Yesu Khlistu ni ucimwene wakwe.

Cindu cawili cacikwenela kuwa pa mtima wa jwakulijiganya jwa Yesu jwalijose ni kusosekwa kwekulunga kwakuti jwakulijiganya jwalijose agumbalidwe ni macili ga Msimu waswela kuti akombole kamula aga masengoga. Wajinji lelo jino akusagamba kuwece ya kwegamila pa Msimu waswela, nambo wangajegamiladi. Pali pangali macili ga Msimu waswela, pangali mundu jwakusosa kamula masengo ga Mlungu jwa mpaka apundanganye. Nganituwa tutesile masengo ga Mlungu ni lunda ni macili ga umundu. Ngawuwa ucabe, kapena ngali cikondi kapena kulemwa kapena kuleka malemba naga tujile kwa wandu wa Mlungu, kutandila wakala ni wasambano wakwe kuti ungabumbalidwa ni Msimu waswela, kusowa kwa macili gakutyocela kwinani kukusalosya kanidwa/kulepela kwa mundu jwalijose jwakusaka kuweceta malowe ga Mlungu. tujiticisyeje utumiki wakuputa Yesu kuti tutumicile. Tukwete cilanga cakulandana ni ciwakwete wakulijiganya wandanda wala. Tukwete soni masengo gakulandana.

*ALIWUSYE: ANA NDILI JWAM'GUMBALIDWEDI NI MSIMU WASWELA?*

## **WANDU WA MLUNGU WAKOGOYA**

Kutama pasi pa ulamusi wa Mlungu kwa mtundu uli umi wakogoya. Naga lisiku lililyose akusaloleledwa ni kupocela macili kwa Msimu waswela tacyiwona ayi:

### **MASOKAGESWELA**

Jwakwiganya jwine jwakumanyika watite, ' cisagula cisyesyene catukwete lelo jino cili sikati ja kweswela ni kwangalumbana. Kuli kwakomboleka kuwa jwa masoka ni ngapocela majali, nambo yili yangakombolela kupocela majali pali pangali masoka. Yili yakomboleka kutama umi wetu mu masoka geswela kapena gacabe; kosope kweneku mpaka kusinde cilambo. pangali ndawi jiyasindile yindu pali pangali wandu wamasoka. Wandu wakusasinda mbili akusawa wandu wanganyenjelela. Akusatuta ni kuwucicisya yindu yayusalekasya kwenda kwa macili ga Mlungu. ngakusawa wakusangalasya kuwandikana nawo, nambo wele wanduwa akusawa wakonecela palipose, akusakoposya wandu ku conasiko mu ndime sya sambano.

Buku ja masengo jili buku ja kusinda yindu; wandu wa kulimba mtima, wangajogopa ni wamacili ga Mlungu gakusimonjesya. Kulikose kuwapite kwaliji kwana kwenda kwa macili ga

Mlungu kapena wandu wajumucile. Aga galiji masoka geswela – kwa wandu galiji masoka, nambo kwa Mlungu kwaliji ganisya cenene ni umundu. Jwa ndumetume Paulo ali mkuweceta ni mwenye Festasi ni Agilipa, wamtesile walwalaga gele masokaga (Masengo 26:24). Mundu jwa ku Gadala pa wawujile mu nganisyo syakwe cenene, wandu wa kweleko watandite kumjopa! Cilambo capasi cikusajogopa wandu wa nganisyo syambone. Sambu gali masoka ga mtundu wine wakwe.

Naga mundu ali jwamswela, cilambo cikusamtendega kuti ali jwakulowela. Atamose mwanace jwa Mlungu msyene wandu wamkolosile kuti, , *“Asyungulile mtwe!”*(Maliko 3:21). Aku ngawa kuyijigalila yindu kupunda malile gakwe. Aga gali masoka geswela: kwakuli kumpikanila Mlungu ngawanga nganisyo sya wandu kapena yatukupikana mcilu – ga mpaka gamkamule mwanace jwa Mlungu. Mpaka akolanjidwe wakulwala, wangaganisya cenene atamose cisilu cene. Nambo tawe cisilu ca Mlungu, ni tacisinda cilambo (1 Akolinto 4:9-10).

### **KUMUDWA KWESWELA**

Wandu waswela wa Mlungu waliji wandu wawasimene ni yakumudwisya yejinji. Wakulocesya ni wandumetume wasausidwe mmitima ni kuyiwona yitendo ya mpingo ngayikulekangana ni ya cilambo ca pasi. Mkhlistu jwa usimu, jwa usimu atamose mpaka awonece jwakusangangalala kusaku, nambo mu mtima mwakwe akusakumudwa ligongo lya kwimucila kwa wandu kwa Mlungu.

Macili ga Msimu waswela gacusapelecekewa kuti wandu atame umi weswela, ngawa kuti wandu asangalale. Mlungu jwangaseka ni ngakola cakudandaulisya. Mkhlistu msyesyene jwangalepela kola ligogo ligongo lya mpingo wangali macili, wacikusa ni akhlistu wapakamwa pe wa cinyengo.

Ana mpaka amwele mgawo wa masausyo yalumu ni Yesu. Mbote sine syakusalala sya Mlungu jikusawa misosi jakusalala. Cikulupi cisyesyene cikusatyocela mu kulimbana. Jwanganakola mawasi nganawa msilikali msyesyene. Ana tajene mu litala lya ligogo yalumo ni Mlungu?

### **MASOKA GACABE**

Kwima mbali ja Mlungu kukusagopolela kuisyana ni cilambo, yakusaka ya cilu ni satana. Atamilicice mu nganisyo kuti tawe wakusidwa ni mpingo wa ku cilu ni cilambo naga kuti Mlungu tiwakamulisye masengo.

Mlope-lope wakulongolela mu mpingo tacisisyana nawo. Nombe wandu mu mpingo naga ngakuyiwona yindu mwakuyiwonela wao, tacasisya. Naga mundu jwalijose akutama umi wa ulungu mwa Yesu, akwenele kwembecela kulagasidwa. Ndawi ni katema acimlongosi atamose abusa tacisisyana ni wao naga agumbalidwe ni Msimu waswela.

Ajembecele kulimbana kwekulungwa ni satana ndawi ni katema. Satana jwangalimbana ni akhlistu wanganawa wa usimu mlope ni wa mtukuta, wa ulesi ni waganisyo sya cikusa. Wandu mpela welewo nganakumalila kulimbana kwa usimu – satana akusagamba kwalola.

Wamngamsokonasya jwalakwe, soni jwalakwe akusaweleka. Nambo aklistu wa usimu akusampwetekaga mlope ni jwalakwe soni akusalimbana nawo. Akhlistu wam'ti myo akusasimana ni yisauyo yakogoya. Akusasimana ni mayeselo gakuti nganaganicisyeje, nganisyo syakwimucila, ungakulupilila kuti Mlungu apali, nganisyo syakutenda yindu yasambi, syakuti ajonande umi wao ni yine.

Taciwa pa ukangani mkati mwao, mwanganaganisyeje kose. Pane tacyona kuti kusakala kwa mkati mwao kucisisyanaga ni msimu wao.

### **CAKULINGA CA MACILI**

Wandu 120 wawasongene mu cipinda ca penani pa lyuwa lya pentekosite wacimanyi ciwajembecelega. Aci cindu cakupela macilici caliji kumanyila kwekulungwa ya kusimanikwa kwa Mlungu. kwajenele kwalocesya kuwandikana kwa mkamulano wuwakwete ni Mlungu kupunda muwawelele ni Yesu ali pa cilambo ca pasi. Yesu watamaga nao, nambo sano ni gumbalidwa ni Msimu ku, ngawa kuti Yesu taciwa ni jemanjawo, nambo kutama mkati mwao ni mwakwasyungulila. Wajenele kuti atiwire mu kusimanikwa ni macili gakwe.

Waliji ali apocele kala macili gamo – macili gakuwa wanace wa Mlungu (Yohane 1:12). Ansao wajenele kuti akole macili, kapena kuti ukombosi, kulimbanganya kwakuti atende, ni ganisya ni kutama mpela Ambuje wao, ni macili ga kwinani! (Luka 24:49; Aloma 15:13; Akolinto 2:4; 1 Tesalonika 1:5).

Mu kwele kupocela macili, Yesu ni wakusaujasya umi kwa Msimu waswela. Masengo ga Yesu Mkhlistu ni ga Msimu waswela gakusalekangana pa ndawi ja cikulupusyo jila. Pa cikulupusyo Msimu akusajausya umi kwa Yesu, apa Yesu ni wakusatendesya kuti kusimanikwa kwa Msimu wakwe kumanyice kwa jwakulupilila. Mbesi ja kupegwa maciliji, jili gumbalidwa ni umanyilisi wa Mlungu mpela mwacikutendela cikumbwa, mpaka jwakulupila ali atiwire mu macili ni cinonyelo ca Mlungu.

Naga ali ayipinisisye ni kuyiwona mu umi wao, yeleyi yikwenela kupelenganya mu umi wa jwakulupilila jwalijose – yiweje yili mkwaulila jawulila kwakusokoka mu ubatisyo ni gumbalidwa kwa Msimu waswela, pakutukulola kwa jwalakwe mu cikulupi kuti atupe macili gakugopola ni kutusinda (Masengo 2:4; 4:8,31; 6:3; 7:55; 9:17; 11:24;13:9,52; Efeso 3:19; 5:18; 1 Yohane 1 ;4)

### **Yilandanyo ni yilosyo ya Msimu waswela yikusasala yakuyicisya ya umi wegumbalidwe ni Msimu waswela:**

**MESI:** cili cilosyo (Ekisodo 17:6; Yohane 7:38-39), gakusaswejesya, kupeleka macili ni kusionyusa umi; gakuwawa gejinji ni gakupelecedwa mwa lulele. Ni Msimu waswela

akusaswejesya, kupeleka umi, kwimusya ni kuisimusya umi – Jwalakwe soni wapelecedwe kwejinji ni mwalulele pa jiwacimbicidwe Yesu ali ajimwice ku wawe.

**MOTO:** cili cilosyo cine (Masengo 2:3; Luka 3:6). Moto ukusatyosya yakusakala, kulangucisya ni kuwumbula. Msimu waswela akusakwanilisya yindu yakuti nganituwa tutesile pa acimisyewe. Akusawungunya mitima jetu, kupeleka lilanguka ni kututyocesya yakusakala.

**MBUNGO:** cili cilosyo catatu (Yohane 3:8; Masengo 2:2) – jili jakwenda jika, tukusapikana kupuga kwakwe, jili jamacili ni kuisimusya umi. Mlungu Msimu waswela akusatenda masengo gawo pa jika – jwangalamulidwa ni jwalijose! Akusajena mwa macili, kusimanikwa kwakwe kukusamanyika nambo kwangawoneka soni akusajimusya masengo ga Mlungu naga ali ayice ku wandu wa mu mpingo wafooce.

**NGUNDA:** (Yohane 1:32) ni cilandanyo celeci tukusalijiganya ya masengo ga Msimu waswela pakututende m’we kuwa wakulinandiya, wakulupicika ni wacinonyelo. Lilowe Iya Msimu, cijiganyo cakwe, ulongose wakwe, kwimusya utumiki kwakwe

**LILWE LYA MSIMU:** kwamba ya cijiganyo, ulongosi ni kwendesya masengo ga utumiki.

**CIDINDO:** Masengo gakwe gakutusimicisya, kutusunga ni kututenda m’we kuwa wa Khlistu basi.

## **KUPOCELA MACILI**

Msimu waswela ali Mtuka wa Yesu Khlistu juwajimwice ku wawe. Gumbasya ni macili ni kulimbanganya kwakwe ukusawa ubatisyo wa cinonyelo, wuwukusapeleka macili kuti wao ammanyaye Khlistu mcisyesyene ni kuti ammanyisye kwa wane. Umboni wekulungwa wa gele maciliga ni ukombosi wakulocesya yindu ya Mlungu; mundu jwagumbalidwe ni Msimu waswela akusawa jwangasausya kumkulupilila. Msimu waswela akusakwaya mitima ja wandu wakuwecetana nawowo. Mundu jwagumbalidwe naga awecete, kapena kupopela, malowe gakwe gaksakopoka ni moto. Malowe gakwe gaksatama mmitima mpela mipamba ja cinonyelo.

Sano, ili uli ni wao ajangu? Ana wapikanile lilamusu Iya Mlungu kuti agumbalidwe ni Msimu waswela. Mtukwe upelecekwe kwa mwanace jwalijose jwa Mlungu, Jwali jwokusacilila kwawilisya aga malamusiga:

**1. CILUNGAMO:** Ana akusakadi macili ga Mlungu. Mlungu ngasapeleka mtuka wakwe kuti jwene alikwesye. Mlungu ngawapa mtuka wao kuti awe mundu jwamkulungwa jwa Mlungu kuti awe mpingo wao, ngasapeleka macili gakwe kuti matama gakuikwesya gawonecele (Masengo 8:18-24; Yakobo 4:3).

Jwangapeleka macili kuti wawombole ku yakusausya, kuwe wasangalasye wao, kapena kuti watende kuwa waswela, atamose kuti yeleyi yikusakangala kuwa mu umi wegumbalidwe ni Msimu waswela. Mlungu akusapeleka macili kuti lina lyakwe licimbicikwe, ni cele cikwenela kuwa cakulinga cao.

**2. UNGALI CIPASIPASI:** Ana ali wokusacilila mlope kuti Mlungu wakamulisye masengo? A William Booth wawecete kuti, “Mkanituwe kutindiwala kuti tupocele ubatisyo wa Msimu waswela, ngusaka nawende kuti alolecesye mu wao ali yimpepe ni yakulinga ni lisosa lya Msimu waswela. Alolecesye kuti litala litapitile Msimu waswela kwika kwa wao lili lyewuguce. Yili yangakamucisya kupopela, kwimba, atomose kulupilila naga pali pana cindu cinecakwe cakusisa kapena kana kucitenda. Ayikoposye yeleyo ni kuyileka. Ajonanje milungu jawo ja unami ni yakulekasya yosope mpaka kalakala. Pawe pana kuwecetana kwambone sikati ja wawo ni Mlungu. ayijase yosope yene ni tagumbalidwe mkanawe kwimuka patindiwelepo...cilambo capasi cicigawona macili gakwe ni Mlungu tacipocela ucimbicimbi wosope.”

**3. MTUKA** – wa Msimu waswela nganigwa malipilo. Soni wangapelecedwa ligongo lyakombola kuwa waswela pameso pa Mlungu. Mtuka wa Msimu wa Mlungu, ukusayika ligongo lya macili; Mundu jwokusapocela gele macili ngawa ndawi jijojo akusawa mkhlistu jwambone mlope kupunda muwawelegele kala. Mtuka wa Msimu waswela ni wawukusakamucisya kuti mundu akole ndamilo syambone, nambo wangapelecedwa ligongo lya kuwa wakulipeleka mlope kwa Mlungu. myoyo akwenela kuwendedwa kuti ayice ligongo lya malangano gakumanyika cenene ga Mlungu, ni lilamusi lyakuti sambu syosope syakumanyika silecedwe (Agalatiya 3:2).

Malemba gakulocesya kuti Mlungu ali jwakoseka kuti apelece mtuka wa Msimu waswela kwa wanace wakwe. Ngakwenela kulaga ni kuwenda kwa Atati wao wa kwinani kuti wagumbasye ni gele maciliga; naga asyene apelece cilanga ni kutulamulila kuti ‘tugumbalidwe ni Msimu waswela’ (Efeso 5:18) cili cilosyo cekulungwa kuti mpaka tupocele. Pakuwa cilicose cakusalamula Mlungu akusamanyilila kuti tukwete macili gakucitenda. Naga ali atyosisye cilicose cakulekasya, mwine soni ngasayika mpaka kum’wenda Mlungu kuti wagumbalile ni Msimu, soni ngasiyikomboleka kuti amlekasya kwagumbalila!

**4. KUPIKANILA:** Naga ali atesile yosoe, akwenela kupocela kutyocela kwa Mlungu mwa cikulupi. Pangali cakogoya ni kupocela macili ga Mlungu. Ambuje Yesu watite, *“Ana wani mwa jemanja wimili acatati, mpaka mumpe mwanace lijoka kutendaga jwalakwejo ali awendile somba? Kapena ali awendile lindanda ana mpaka ampe ciwala wala? Naga jemanja ni ungalumbana wenuwo mkusim manyilila kwapa aciwana wenu yindu yambone, nambi uli Atati wenu wa kwinani, ana mpaka calepelekasye cici kupeleka Msimu Waswela kwa wele wakumwenda jwalakwejo.”* (Luka 11:11-13) naga akwika mwa cinonyelo mpela mwanace kwa Atati, ana akuganisa kuti tiwape cinecakwe cakuti cajoce kapena kwajogoya wao? Ngakuganisa kuti mpaka amkulupilile Mlungu kwapa mlingo wakwenelela.

Macili ga Msimu waswela gali Mtuka wacinonyelo kwa mwanace jwa Mlungu jwalijose. Ngakwenela kuwa wakogopa kuti awugule umi wao kwambumbu ku cinonyelo cakwe. Naga pana cinecakwe cangakusaka kuti citendekwe, kulikwesya kwine kwakwe kwakwete, kapena ufulu wangakusaka kupeleka kwa Mlungu, asimicisye kuti cele cinduco ni cacikutendekasya

awe wangali macili pameso pa Mlungu ni wandu. Kupikanila kukusapunda mbopesi (1 Samuyle 15:22).

### **TUMANYILILE CANTI ULI?**

Yayikusatendekwela mundu jwalijose jwa Mlungu yikusatindana. Kwa wane kwele gumbalidwaku kukusayika mpela mangame, nambo kwa wane kukusayika mpela cikumbwa pa malo gejumu. Mlungu akwete matala gakwe gakusimana ni yakusowa yeleyi; akalinga kusyasya ya wane. Naga ajigalile ya mundu jwine, ngasasimicisya kose, ajigale yitiwape Mlungu ni tacisimicisya kuti yakweteyo yili yisyesyene.

Mundu jwagumbalidwe ni Mlungu jwakututa. Naga mundu ali mkwenda mu macil ga Msimu wa Mlungu, akusakola macili gakuwonesya Yesu kwa wane. Cisyesyene cikusasyuka lupanga lyakutema kosekose myala mwao, lwakuyikasya wandu wane ku kulipeleka kwa Yesu. Akusamcimbisya mkupeleka mtukawo. Msimu waswela akusawumbula Ambuje Yesu kwa ku umi wa mundu. Cinonyelo ni umbone wakwe yikusawonecele mu umi wakwe.

Mundu jwine, A.W. Tozer waweceta aga malowega kwa mundu jwokusaka gumbalidwa ni Msimu, “pangali mundu jwalijose, kanga mu baibulo atamose mu mbili sya wandu, juwagumbalidwe ni Msimu waswela ni ngamanyilila, soni pangali juwagumbalidwe ni ngamanyilila ndawi jakwe, soni pangali juwagumbalidwe panandi panandi. Wakulijiganya wosope akwete udindo wakulipeleka acimisyene ku macili geswelaga. Ni pandawi jitasimane ni gele maciliga, tacimanyilila ni kupikana ni taciwona kusinda mu umi wao. Gamba kupikana kulikose ‘mwa cikulupi’ kuli kwangali kusinda kusyesyene mu macili pameso pa Mlungu ni wandu kuli kwa unami.

Ana sano tatande? Tajawule kwa Mlungu, ni kum’wenda? Wapele wao mlingo wa cikulupi cakwanila. Akasamdawulikasya kapena kumkana. Akunde lilamusi lyakwe ni kulipeleka asyene kwambumbu, ni yosope yene yakwete kuti wayicile wandu wane ni malowe ga Mlungu. Awice pameso pa Mlungu yosope yali ni yakwete. Apelenganye mu kupopela ni cikulupi; aganicisye ya cinonyelo cakwe mu mtima mwao, mpaka mu umi mwao muli mkukopa malowe gakumcimbicisya. Akasajogopa, pangali cindu cine cakusalalal mlope kwa Mkhlistu kupunda kusimana ni Ambujegwe mu litala lyeleli. Awecete kwa jwalakwe mu malowe galigose gatiwape mu mtima mwao. Mpaka asagule kwika mwanganyanyika mpela lusulo lwa bata kapena mwa macili mpela cikumbwa, nambo wao tacimanyilila ni umi wao ucisinda. Ajawule sano jino ni akamsose Ambuje. Jaulani sano jino mpela mwanace; ni mumkunde awutende umi wenu kuwa wakusimonjesya!

### **UMBONE WA MACILI**

**1. MTENDELE** – Atamose ali mkusimana ni yilagasyo taciwa pa mtendele ni Mlungu. wandu komboleka kwalambucisya yindu ni konanga mbili jawo, pane atamose umi wao. Nambo ngasakombola kutenganya mtendele usyesyene wuwukusapunda lunda lwesope (Filipo 4:7). Ni cikumbu-mtima cangasaka kumlemwecesa Mlungu kapena mundu, umi wao ukusasala

kuti, “mwa cisyowelo ca Mlungu, ngwete kupundanganya kwambumbu pa sambu.” Ndawi josepe jali mmagongo jwa cilambo, ali wakusimicisya kuti ali mjakwe jwa Mlungu. Ambuje Yesu akusajenda ni wao. Mlungu akusiwasunga wao sikati ja magasa gakwe. Umi wao ngawa mkumala akawe masengo gao gali gamasile. Msimu waswela akugumbasya umi wao ni pakamwa pawo ni mituka jambone ja Mlungu ni cisogosi ca kulungamika. “Ana naga Mlungu ali ni m’we – wani soni wa mpaka atusisye” (Aloma 8:31).

**CAKULINGA** - Wumi ngasiwuwa soni wagambaga kusosasosa yindu yangamanyika. Kumanyilila ya kusimanikwa Mlungu ni lisosa lyakwe, kukusatyosya ujinga wosope wa kala. Ngakusatama soni umi wakusangalasya wandu, nambo Atati wao wakusalola yindu yakusisika (Matayo 6:18). Wangadandaula soni naga wandu ali mkwasisya kapena kuweceta yakwanyosya wao. Sano akutama mu umi wangamala, ciwa nganiciwa cindu cakogoya. Akusakunda kusimana ni cakusausya cilicose ligongo lya masengo ga Ambuje wao.

**MACILI** – Pacanya pa yosope akusawa wakusosekwa kwa Mlungu. mmalo mwa ungasogola akusawa wana majali. Pakusawa pana yisogosi ni maluwa mmalo mwa masamba ni nyambi syejumu. Kusimanikwa kwa Mlungu mu umi wao kukusatendekasya kaungo kambone mu umi wao. Cinonyelo ca Khlistu kukusakoposya mu mtima mwao lilanguka, lyakuloceya cisyesyene ku cilambo. Wandu wagamba kwaula ku mpingo akusamanyilila kuti mu umi mwao mwana cisyesyene, kanga tasace kapena ngasaka kwiticisya. Ambuje Yesu akusawa wandanda mu yakuweceta yao. Akusawa wandanda mu yakusayinonyela.

## **KUTAMA MU GUMBALIDWA NI MLUNGU**

1. *Akole ndawi* jakuwecetana ni Mlungu lisiku lililyose. Aliwungunye ni kulipeleka, kuliwungunya soni ni kulipeleka. Kulipeleka kukusatendekwa umi wosope (Ahebeli 12:14; 2 Akolinto 7:1; 1 Tesalonika 3:13; Masengo 4:31).

2. *Apanganye ndamilo* jaganicisya yayikutendekwa lelo jino. Akulupilile Mlungu sano jino. Atende lisosa lya Mlungu sano jino; akasamlewela Mlungu sano jino. Cindu cine citiwalosyeco, atende celeco (Filipo 4:6; Kolose 4:5).

3. *Awambale kuwa* waktumbila mlope kapena wakusangalala mlope. Awe wakusangalala nambo ngawa wa wanace; awe waganicisya yindu nambo ngawa wakutesya canasa. Atende yosope yene mu lina lya Ambuje Yesu (Tito 2:12-13; 1 Akolinto 10:31)

4. *Alinganye ndamilo ja* kulinandiya ni ucimbicimbi mlope pa ndawi ja kwaula ni kuwecetana ni Mlungu. akasalikunda kunandiya kapena kuweceta malowe gangajenela gawkamba Mlungu kapena masengo gakwe, atamose ali asangalele canti uli. Ajende mbolebole pameso pa Mlungu (Ndandililo 17:1; Mika 6:8).

5. *Akole ndamilo ja* kuligosa pa sambu ndawi syosope. Akane mlope kwitikana ni mayeselo atamose yili yisawisye canti uli. Ni macili ga Mlungu, akane mwakulimbangana, ndawi syosope, kapena mu ndawi jakwasausya, tacijasa yindu yakuti alasile yaka yejinji kuti ayipate soni yakuti mwine ngasayipata soni (1 Tesalonika 5:6; Yakobo 4:7).

6. *Akasatamilicika* pa ngani jino kuleka yine yakusosekwa soni. Akasakunda kuti mtwe umo uwe wakusoseka mlope kupunda yosope, yele yangamsangalasya Mlungu. Yindu yakogoya yakusosekwa kuyilolecesya ni ayi: kwaula melepe ku yindu yakuti nganiyiwa ya penani kwa Mlungu; ngakululupilila wandu wangakulinjilila kuti awe waswela; ngakola lung'wanu lwakupikanila mitwe jine ja m'baibulo; unandi wa lung'wanu ku masengo ga cikulupusyo ca wandu kapena kuliwona kuti nganijiwa mbali jawo (Kolose 1:10)

7. *Awambale kulilocesya*, kunonyeledwa. Akasosa kumanyika. Akasosa kuwonecela ligongo lya majiganyo gawo, lunda, uswela kapena yakwete. Umbone wao uwe wangalosya kalamuka, wakulinandiya ni usyesyene. Umboniwo ukwesye Yesu ni kwatulusya wao. Uyikasye ungakwanila kwa wao ni kulosya kuyamika kwa Mlungu. cakuwala cao ciweje cambone ni ca ulemu. Awambale kuwa wakonecela (Kolose 4:6; Yakobo 4:10; 1 Petulo 5:5).

8. *Awambale kuweceta* yacabe yosope. Akalogwa kuweceta ya yakulemwa ya mundu jwanganapagwa. Akasaganisya ya yakusakala yiwatendele wandu wane mu nganisyo mwao, pa mapopelo gawo, pa kuweceta, mlopelope sikati ja wandu wane. Awambale msimu wakwamuka ni kulola yakusakala ya wandu wane; komboleka kumudwa nambo akasadandaula. Komboleka kutenda ligogo ligongo lya mwayiwelele yindu nambo akasakalipila (Yakobo 4:11; Filipo 4:8; 1 Tesalonika 5:14).

## **AWE WA UMI MWA KHLISTU**

Cikulupusyo cili cakusangalasya mlope, nganiciwa gamba kulupuka ku sambu. Mu canasa cakwe Atati akusatutenda m'we kuwa wa umi, mpela Yesu muwajimucile ku wawe ni kuwa wa umi. Mwakusimonjesya mlope, kwa Mlungu, m'wejo tuli malo gamo ga usimu ni Yesu. Twajimusidwe yalumo ni jwalakwe ni kutama yalumu mwinani. Atati wamnyakwile mwanace jwao jwakupagwa jikape penani pa aciwenye, ma ulamusi ni macili gosope ga kusakala, penani pa yiwanda, malayika ni wandu wakwe. Jwalakwe wakwesile penani mlope, kupunda yindu yosope ya pacilambo ni kwinani. Cilicoso ca mpaka asale mundu cili pasi pa ulamusi wakwe. Pa Efeso 1:19-20 akuweceta kuti, "...Klistu akulamulila ayimwene wosope, wakulamula wosope ni acakulungwakulungwa wosope wa kwinani..." Mlungu watesile yeleyi ligongo cici?

Yeleyi yikusasungusya mtwe – pakuyiganisya kuti Mlungu watesile yeleyi ligongo lya MPINGO! Kwa Atati m'we twajimwice yalumo ni Yesu. Tuli najo pa malo ga ulamusi. Ndawi jine jatiyikanganice yakusausya, akasalola kwinani – alole pasi. Ku ucimbicimbi wa Mlungu, walakwe ali mcili mwake. Komboleka kwenda mu macili gakwe, gagajimwice Yesu ku wawe. Wao akutama umi wakwe pa cilambo. pangali cakusausya ca mpaka cimleme Yesu jwali mwa wao.

Pa Matayo 28:18-20 akuweceta kuti, "Mbegwile ulamusi wosope kwinani ni pasi pano ... Nipo unejo ndili ni jemanja masiku gosope, mpaka mbesi ja cilambo capasi cino."

Tukutama mu ndawi syakusakala, nambo pana ndawi syakusakala mlope syasipite munyuma. Mu ndawi jilijose, Mlungu awele mkusagula wandu wakwe wakusajenesya malowe gakwe,

atamose yili yisawisye canti uli. Jikwanile ndawi jakuti akhlitu amanyilile yakusosekwa ya ndawi asino. Kusinda ndamilo cili cisogosi cambone ca cikulupusyo; pa malo pakuti sambu sikupweteka mtima wa Mlungu, ni kumjonanga mundu jwapanganyidwe mu cilandanyo ca Mlungu, naga pana mwanace jwa Mlungu, nikuti tatende cine cilicose kuti yalakweyo yisinde.

Pana cicikusowe mwa akhllistu watukwete lelo jino; wakulijiganya wandana waliji wakwayidwa mlope ni wandu wanganammanya Yesu. Ambuje wajigele ndawi jejinji kamucisya yakusowa ya wandu. Wapsosisye wakulwala, kwalisya wasala ni watawile ma ulongo ni wandu wanganawalanjidwaga. Yesu jwali mmalemba wakwete lung'wanu ni umi wa mundu wosope. Soni akwawilanga wakumkuya wakwe kuti atende yalumo. Pangali jwakwenela kulikolanga kuti jwakuya jwa Yesu, naga nganakola mtima wakamucisya wandu wane ni kusinda cilambo kusyene (Yesaya 58:1-12; Yelemiya 7:2-7; Matayo 5:9,13-16; 25:31-46; Luka 9:11-17; Maliko 12:31;1 Yohane 3:17).